

## **UPRAVNOM ODBORU UKuBIH**

**PREDSJEDNIKU UKuBiH Prof. dr Zumreti Kušljugić**

**Datum: 31.10.2023.god.**

**Predmet: Izvještaj RG za elektrostimulaciju srca za period 2017-2023.godina**

U periodu od 23.novembra 2013.godine do 23.novembra 2023.godine radna grupa za elektrostimulaciju srca održala je 10 redovnih sastanka.

Prvi oficijelni sastanak radne grupe za pejsmejkere održan je 23. novembra 2013.godine u Institutu za naučno-istraživački rad i razvoj, KCU u Sarajevu. Zapisnik i zaključci sa tog sastanka su Vam ranije dostavljeni ( a nalaze se i u prilogu ovog mail-a, sa svim ranijim aktivnostima i izvještajima RG) .

Moram napomenuti da se radi o RG koja nema puno članova iz objektivnih razloga što se ovom oblašću bavi mali broj kolega u BiH. Dodatni problem su i neki međusobni animoziteti među pojedinim kolegama i centrima ( iako lično sa svim kolegama imam fin kolegijalni odnos). Već duži niz godina kolege iz Mostara ne učestvuju u radu RG, što je svima već poznato, iako sa kolegom Markotom imamo svi u RG fin profesionalni odnos.

Kolege iz Banjaluke su organizovane u RG UKRS, te povremeno na moju inicijativu Dr Miron Marjanović i Dr Siniša Kovačević učestvuju u radu RG mladih kardiologa i kao predavači u radionicama UKuBiH.

Odlaskom Prof. Nurkića u Kuvajt, Dr Delića u privatni sektor, te odvajanjem RG za elektrofiziologiju srca koju vodi Dr Djedović ( sa kojim uvijek imamo dobru saradnju oko organizacije zajedničkih predavanja na kongresima kardiologa UKuBiH) ostali smo aktivni Dr Elnur Tahirović iz Sarajeva i ja, uz povremenu saradnju oko organizacije predavanja sa Dr Brkićem i Dr Bajrićem iz Tuzle.

Praktično 5 doktora je uključeno u RG za elektrostimulaciju srca od 2017.godine.

Cilj RG je da se uključe kolege koje se zaista bave elektrostimulacijom srca, tako da prema ranijim zaključcima sa sastanka iz 2014.godine nismo išli u pravcu masovnosti članstva.

Moram napomenuti da smo još uvijek bolji od Malte koja ima 2 člana u RG.

RG za elektrostimulaciju srca je i pored njene specifičnosti sa malim brojem članova uvijek aktivna tokom organizacije sesija za vrijeme kongresa kardiologa UKuBiH, te aktivno saradjujemo i nadopunjujemo se sa radnom grupom za EP.

U programu 8.i 9. kongresa UKuBiH možete naći predavanja koje su organizovali RG za elektrostimulaciju srca i RG za EP.

Predsjednik i potpredsjednik RG su gotovo svake godine ( 2017-2023) prisutni na EHRA Summitu i često dio troškova snosimo sami. Do sada nikad nismo tražili refundaciju od UKuBiH.

Na raspisane konkurse za edukaciju koje objavljuje EHRA niko se do sada od mladih kardiologa nije prijavio iako su blagovremeno lično obaviješteni, a godinama nisu ni plaćali članarinu u EHRA-i.

Tokom EHRA Summita u Madridu razgovarao sam sa Prof. Helmutom Pürerfellnerom ( budući predsjednik EHRA-e) iz Linza, koga od ranije lično poznajem i mislim da sad imamo istorijsku šansu da posredstvom EHRA-e pošaljemo na edukaciju mlađe doktore.

Planirano je da Prof. Pürerfellner bude gost na sljedećem kongresu UkuBiH ispred EHRA-e, te da se eventualno održi Join Meeting sa EHRA-om tokom kongresa.

S poštovanjem,

Boris Goronja, predsjednik RG za elektrostimulaciju srca UKBiH